



UNIVERSITÄTS-
BIBLIOTHEK
PADERBORN

Universitätsbibliothek Paderborn

Regeln Christliches Lebens

Walther, Georg

Witteberg, 1572

VD16 W 974

XVI. Nicht sich selbs rechnen/ wenn man beleidiget ist. Rachgirik. Rechnen sich selbs. Vergelten böses mit bösem.

urn:nbn:de:hbz:466:1-35296

So jr liebet / die euch lieben / was werdet jr für
lohn haben? Thun nicht solches auch die Döl-
ner.

XVI.

Nicht sich selbs rechnen / wenn
man beleidiget ist.

Rachgirik.

Rechnen sich selbs.

Vergelten böses mit bö-
sem.

Gottes Gebot.

Sprach Salo. 24. Sprich nicht / wie man
mir thut / so wil ich wider thun / vnd ein ig-
lichen sein Werck vergelten.

Syrach am 10. Rechne nicht zu genaw alle
Missethat / vnd Füle dein mülin nicht wenn
du straffen solt.

Matth. 5. Ich sage euch (spricht Christus)
das jr nicht widerstreben solt dem übel / son-
dern so dir jemand ein streich gibt auff den
rechten Backen / dem biete den andern auch
dar / vnd so jemand mit dir rechten wil / vnd dei-
nen Rock nemen / dem las auch den Mantel.

Röm. 12. Vergeltet niemand böses mit bö-
sem / rechet euch selber nicht (meine liebsten /
sondern gebt raum dem zorn Gottes) Denn es
stehet geschriben / Die Rache ist mein / ich wil
vergelten / spricht der HERR / Las dich
nicht

T 5 nicht

nicht das böse vberwinden/Sondern vberwinde das böse mit gutem.

1. Thessal. 5. Sehet zu/ das niemand böses mit bösem vergelte / sondern allezeit jaget dem guten nach / beide vntereinander vnd gegen einander.

1. Pet. 2. Denn das ist gnade / so jemand vmb des Gewissens willen zu Gott / das übel veriregt/vnd leidet das vnrecht.

1. Pet. 3. Vergeltet nicht böses mit bösem/ oder Scheltwort mit Scheltwort / sondern das gegen segnet.

Syrach 28. Vergib deinem Nächsten/was er dir zu leid gethan hat.

Matth. 5. Bittet fur die so euch beleidigen vnd verfolgen / Thut wol denen die euch hassen.

Straffe.

Syrach am 28. Wer sich rechnet / an dem wird sich der HERR wider rechnen/ vnd wird jm seine Sünde auch behalten.

Matth. 26. Wer das Schwert nimet / der sol durchs Schwert vmbkomen.

Ezechiel 25. Darumb das die Philister sich gerochen haben / vnd den alten hafs gebüßset / nach alle irem willen / an schaden meines Volcks / etc. Darumb wil ich die Arreger austrotten.

Gotte gebüret die Rache.

s. Mos.

5. Mos. 32. Die Rache ist mein / ich wil ver-
gelten.

5. Mos. 32. Das Blut seiner Knechte wird
er rechen.

Luce 18. Solte aber Gott nicht auch ret-
ten seine auserwählten / die zu ihm tag vnd nacht
ruffen / vnd solte gedult darüber haben? Ich
sage euch / Er wird sie retten in einer Kürz.

Coloss. am dritten: Wer vnrecht thut /
der wird empfahen / was er vnrecht gethan
hat.

Syrach 5. Sage nicht / wer wil mirs weh-
ren? Denn der **HER** der oberst Recher
wird rechen.

Jesai. 59. Der **HER** zeucht Gerech-
tigkeit an / vnd zeucht sich an zur Rache / als
der seinen Widersachern vergelten / vnd seine
Feinde mit grim bezalen wil.

1. Thessal. 4. Der **HER** ist ein Rich-
ter vber diese alle.

Nahum 1. Der **HER** ist ein eineriger
Gott / vnd ein Recher wider seine Widersacher /
vnd der es seinen Feinden nicht vergessen wird.

Exempel der Fromen.

Psal. 7. Habe ich böses vergolten denen /
so mir one vrsach feind waren.

1. Pet. 2. Christus hat vns ein furbild gelas-
sen / das jr solt nachfolgen seinen Fusstapffen /
Welcher nicht wider schalt / als er gescholten
ward / Nicht drowet / da er leid / Er stellet es
aber dem heim / der da recht richt.

1. Sam.

1. Sam. 24. Daud spricht zu Saul / Der
 HERR wird Richter sein zwischen mir vnd
 dir / vnd mich an dir rechen / aber meine hand
 sol nicht vber dir sein.

1. Mos. 20. Abimelech gibt geschenc̃ A-
 braham / so er in doch mit seiner lügen / bald
 in gros jamer vnd elend gebracht hatte.

Exempel der Rachgirikheit.

Luce 9. Die Samariter wolten Ihesum
 nicht auffnemen / Da sprachen seine Jünger
 zu ihm / HERR wiltu / so wollen wir sagen
 das Feuer vom Himmel falle / vnd verzehre sie
 wie Elias that? Ihesus aber wandte sich vmb
 vnd bedrawet sie / etc.

Richter 16. Das ich mich für meine beide
 augen eins reche an den Philistern.

1. Mos. 27. Esau wolt sich an Jacob rech-
 nen / dieweil er den Segen von seinem Vater
 empfangen hatte.

XVII.

Nicht wuten / toben / vnd
 Tyranny üben.

Tyranny.

Wüten.

Toben.

Buch der Weisheit 6. Ungerechtigket
 verwüstet alle Land / vnd böse leben stürzen
 die Stühle der Gewaltigen. So höret nu jr Kö-
 nige!